

污水基礎設施

污泥處理設施 -

屯門曾咀污泥處理設施

1	屯門，喺 60 年代仲係一個寧靜嘅漁村，今日經過多年嘅發展已經成為繁盛嘅新市鎮，呢度有河流圍繞，群山環抱，悠久嘅歷史，同深厚嘅文化。呢度有熱鬧嘅街道，亦有工商各業、旅遊業，充滿左發展潛力。
2	喺不久嘅未來，在屯門曾咀將會建立一座外形取材自波浪、象徵着流水源源不息嘅嶄新先進環保設施。
3	呢座污泥處理設施，結合先進科技、綠色環保概念，標誌住香港引進高科技廢物處理設施，做到轉廢為能。係香港逐步提升廢物處理技術嘅重要一步。
4	呢度係世界最先進嘅同類型設施，會以世界級嘅管理，每日在嚴格監控環境之下，以高科技處理最高達 2,000 公噸嘅污泥。它展示了香港在淨化海港方面嘅決心。
5	呢度同時係一個教育、鼓勵及培養我地嘅下一代積極參與保護環境嘅地方。
6	它以獨特嘅設計，為區內提供了一片綠化嘅空間，以及不同嘅休閒、教育設施。它突破了這類型設施在設計同布局上嘅傳統框框。
7	喺建築物嘅周圍，係一片經過精心策劃嘅自然景色，為市民提供一個舒適、寬廣嘅休憩空間。
8	設施內有一片重建嘅濕地，為野生生物營造棲息嘅環境。
9	裏面嘅環保教育中心，比香港市民以及我地嘅下一代了解及學習點樣去實踐綠色生活同創造一個健康嘅生活環境。
10	喺呢度，我地可以通過一系列互動顯示器同實物展品，去了解整個污泥處理及運行嘅過程。
11	中心仲設有多用途演講廳。建築物入面，我地精心設計咗水療浸浴設施，比參觀的人士可以放鬆一下。
12	越過天橋，我地可以喺行人走廊上漫步參觀整個處理設施之餘，亦無需要擔心會影響到日常嘅操作。
13	波浪形嘅主體建築，中央為行政大樓，上蓋由不同扭曲度嘅長帶組成，引入自然光，減低能源消耗。
14	屋頂設有觀景台，符合綠色、開放嘅建築概念。

15	呢項計劃亦都標誌著香港對減少碳排放，提高社會對保護環境，可持續發展嘅意識所作出嘅承擔。
16	透過先進嘅處理技術、世界級嘅管理營運，配以嶄新嘅設計概念，呢個預計喺 2013 年投入運作嘅設施，結合了先進環保設施各項要素，為我哋同下一代創建一個更綠色嘅生活環境作出貢獻。